

խնդրվածքի կամ բարեխոսի խմբանկարը՝ հայ արվեստի մի առանձնահատուկ ձևակերպութիւն։ Հայաստանի լուսավորիչն էլ բարեխոսների խմբի մեջն է մտած։ Սովորական խմբանկարն է քրիստոնեական ընդհանուր արվեստի մեջ, կեդրոնում Ամենակալը, աջից Մարիամ և ձախից Հովհաննես Մկրտիչ։ Բայց այստեղ մենք տեսնում ենք այլ կերպ, դոնականների վերա աջից Լուսավորիչ և ձախից Հովհաննես Մկրտիչ, իսկ կողքերից աջ կողմը Մարիամ և ձախ՝ Հովհաննես ավետարանիչ։ վերջինս պատկերներն առնված են խաչելութան խմբանկարներից։

Լուսավորիչ կանգնած է ամբողջ հասակով, դեմքը քիչ դեպի ձախ թեքած, հունական զգեստավորութիւնով, գլխարաց, գագաթին տոնգուրայով, աջով լատինական որհուլթուն և տալիս, իսկ ձախով խաչագարդ ավետարան բռնել, ավետարանի խաչը ԺԲ—ԺԳ. դարերի մանրանկարչական խաչերի նման։ Գլխի լուսո պսակի բոլորակ շրջանակը կազմված է մեանդրի նման զարդով, բոլորակի մակերևութը նուրբ զարդարանքով ծածկված։ Գլխից վերև՝ կրու և ուռուցիկ բոլորակի մեջ լինդավոր տառերով գրված է. «ս. Գրի գորբ»։ Զգեստավորութիւնը պարզ է, առանց զարդարանքների շուրջառը, շապիկը, քամիփորոնը, բայց ազնիվ ծալքերով. զարդարված են միայն շապիկի ներքևի չեզոքները։ Դեմքն անադարտ է ընդհանրապես, միայն քիթը քիչ ճզմված, աջ աչքն էլ լոսված։ Վտոքների հողաթափները սրածալք են։

Մլուս դոնակի լինդավոր պատկերը, ինչպես ասացինք, Հովհաննես Մկրտիչն է, այս հաստատվում է վոչ միայն գլխից վերև ուռուցիկ մանյակի մեջ «սբ Յովնէս» վերտառութիւնով, այլ և դեմքի արտահայտութիւնով, մազերով և հագուստով։ ԺԳ. դարում և ավելի վաղ, Հովհաննես Մկրտիչ համար հայ և բյուզանդական արվեստների մեջ մշակված էր վորոշ տիպ, վոր կրկնված ենք տեսնում արևելյան Հայաստանի և Կիլիկիայի մանրանկարչական և քանդակագործական արվեստների մեջ փոքրիկ տարբերութիւններով։ Հետևյալ գլխի մեջ էլ առիթ կունենանք խոսելու հենց այս եաչիի վորդի Ամիր-Հասան Բ.-ի շինած Սպիտակավոր Աստվածածնի խնդրվածքի մի այլ խմբանկար քանդակի մասին, ուր ավելի պարզ են առանձնահատուկ նշանները։ Հովհաննես Մկրտիչ հագել է մինչև ծնկները հասնող պարեպոս, կուրծքի մասերն իրար վերա բերած, թևերը կարճ և մերկ մինչև արմուկները, ձախ ձեռքը ազգրի վրա, աջով որհուլթուն և տալիս. մեջքին կապել և շորից գոտի, սրունքները և վոտները մերկ են։ Աչքերը լոսված են. լուսո պսակը նման Լուսավորչի պսակին։

Դոնականների չեզերազարդերը արմավենիկներ են վորորապտուշտ ցողուններով, իսկ միջին չեզոքները զիկզակներով արմավենիկի մի այլ չեզոքակի զարդ. դոնականների վերևի կամարազարդը չեռատերևների և չեռամասնյա արմավենիկների փոխեփոխ մի շարք է վոն ձավորած և զեզեցիկ. բոլորն էլ հատուկ և տարածված

ժամանակակից հայ և բյուզանդական, հատկապես, մանրանկարչական արվեստների մեջ։

Դոնականների կողքերից ավելի փոքր զիկզով, աջից Մարիամն է, ձախից Հովհաննես Մկրտիչ. առաջինը, en face, ձեռքերը աղոթողի դիրքով, ափերը դեպի դիտողը և վեր բարձրացրած, իսկ չերկրորդը նույնպես en face, ձախով ավետարան է բռնել, կրծքին դեմ արած, և աջով խաչակնքում է։ Պատկերների զլխից վերև գրված է լինդավոր տառերով՝ «ածածին», և «ՅՅէս»։

Ներքևի խմբանկարը բաղկացած է չերեք անդրիներից, չերկուսը անկյուններում՝ «Պետրոս» և «Պաւղոս» առաքյալները, զլուխներից բարձր լինդավոր գրութիւնների համաձայն, իսկ մեջտեղում աղոթողի դիրքով եաչի Պոռչանն է, պահարանի շինել տվողը, կողքերից չերկտող արձանագրութիւն համեմատ.

«սբ նշան տրուեալան դու էաչո լեր օգնական թվ։ Պիթ».

Առաքյալների անդրիները ձևակերպված են ժամանակակից մանրանկարչութիւն, վորմանկարչութիւն և քանդակագործութիւն ավանդութիւն համաձայն. Պետրոսը կարճ և կլոր միրուքով, Պոռոսը ճաղատ և չերկար միրուքով, ԺԳ. դարու հայ արվեստի մեջ ավելի հաճախ չերուլթ, քան առաջ։ Նրանց ամբողջ հասակով քանդակները տեսանք Աղջոց ս. Ստեփանոսում (եջ 83, պատկ. 25)։ Չերկու առաքյալներն էլ ձախ ձեռքերում ավետարան են բռնել, Պոռոսը կրծքին սեղմած, Պետրոսը ուսից բարձր բռնած, իսկ աջով խաչակնքում են։ Զգեստները սովորական են, տուցիկայի վերալից, ուսերին տոգա ձգած և աջ կողմից կոճկած։ Չերկուսն էլ բոլորակ լուսո պսակով, Պետրոսն ամբողջ չերեսով դեպի նալոյն և դարձած, իսկ Պոռոսը չերեք քառորդականով դեպի աջ։ Պատմական-ազգագրական տեսակետով ավելի հետաքրքրական է եաչոյի անդրին (պատկ. 83), շրջանակված ճիշտ աչն ձեով, ինչպես Ամենակալն էր պահարանի ճակատին (պատկ. 82)։ Այս շրջանակներն արժանի չեն հատուկ ուշադրութիւն, վորովհետև փոքրիկ տարբերութիւնով իրենց ձեով շատ նման են Անդրեա Պիզանոյի շինած Ֆլորենցիայի մկրտարանի հարավային բրոնզե դրան պատկերագրութիւն շրջանակներին. վերջինս պատրաստված 1330—1336 թվերին. ասել է, ավելի քան 30 տարի հետո մեր պահարանի շինութիւն ժամանակից։ Այս և մեր այս շրջանի Աստվածածնի պատկերագրութիւն վորոշ նմանութիւններ իտալական սկզբնական վերածնութիւն չերուլթներին հետ մի կապ են չնթաղրել տալիս չերկու արվեստների մեջ, վոր առիթ կունենանք մատնանշելու հետևյալ գլխի մեջ։ Այնտեղ կխոսենք նաև եաչոյի անդրիի ազգագրական արժեքի մասին, վոր կրկնված է չուր Ամիր-Հասան վորդու հետ Սպիտակավոր ս. Աստվածածնի հյուսիսային պատին։

Բանալով դոնակները մեր առաջ ուրիշ տեսարան է բացվում (պատկ. 84). սրտեկ կամարի տակ, վորք